
DISSERTATIO

DE

Partibus Corporis Animalis quae Viribus Opii Parent.

**



Alexander

INAUGURALIS,

DE

Partibus Corporis Animalis quae Viribus Opii Parent.

QUAM,

ANNUENTE SUMMO NUMINE,

Ex Auctoritate Reverendi admodum Viri,

D. GULIELMI ROBERTSON, S. T. P.

ACADEMIÆ EDINBURGENÆ Praefecti;

NEC NON

Amplissimi SENATUS ACADEMICI confensu, Et nobilissimae FACULTATIS MEDIC & decreto.

PRO GRADU DOCTORIS,

SUMMISQUE IN MEDICINA HONORIBUS AC PRIVILEGIIS
RITE ET LEGITIME CONSEQUENDIS;
Eruditorum examini subjicit

GULIELMUS ALEXANDER,

ANGLUS,

Societa. Speculativ. Edinb. Socius, Societ. Natur. Studiof. Edin.

Necnon

Societ. Med. Reg. Edin. Praesidarius.

Minus valent praecepta quam experimenta.

QUINT.

Ad diem 13. Septembris, hora locoque folitis.

E D I N B U R G I:

Apud BALFOUR et SMELLIE,

Academiae Typographos.

M,DCC,XC.

of a grant and the state of 1

JOHANNI ALEXANDRO, M.D.

VIRO, PATRI, PRÆCEPTORI

OPTIMO,

OB VIRTUTES EXIMIAS,

AMOREM VERE PATERNUM,

CONSILIA SALUBERRIMA,

SEMPER COLENDO;

MECNON

JACOBO MACINTOSH,

ARMIGERO;

DE KELLACHY,

OMNIBUS, QUÆ

ADMIRATIONEM LAUDEMQUE CONCILIANT,

VIRUM ET AMICUM ORNANT,

PRÆDITO,

HOCCE OPUSCULUM,

PIETATIS NEMPE, ATQUE AMICITIÆ

TESTIMONIUM,

LUBENS OFFERT

GULIELMUS ALEXANDER.

CORRIGENDA.

M OTHER ELECT A TENAMOR

Pag. 6. l. 10. post parte lege se

2. dele erant 7.

8. post parte lege se 7.

8. 13. post horae lege fe

3. post minuta lege se 9.

II. 1. post parte lege se

18. 8. post parte lege se

19. 14. pro etiam lege tamen

7. pro fiebat lege fiebat 44.

17. post horae lege fe 49.

13. pro erant lege funt 51.

4. post mortuae dele semicolon 57.

3. pro ad lege at 67.

18. post convulsiones dele semicolon 106.

7. post opii dele comma 109.

10. post excitare dele comma 114.

Quae supersunt benevolo lectore corrigantur.

month the buttompt of his Friend The author.

DISSERTATIO

DE

Partibus Corporis Animalis quae Viribus Opii Parent.

In hac dissertatione, experimentorum serie consirmare placuit, quasnam corporis partes vis opii afficiat, et qui essectus inde consequantur. De hac materia, et nunc et olim variae sententiae suere. Modus operandi, quamvis ex experimentis clarissimorum virorum, Alston, Whytt, et nostri egregii Professoris Monro, magis in aperto sit; opinionum tamen diversitas adhuc non destitit.

6 A

Opii

Opii in nervos vim exercitam esse, et ab his ad caeteras corporis partes transmissam, diu ab eorum experimentis demonstratum tenebatur; temporibus tamen recentioribus, haec opinio aliquanto subsedit. Experimenta illustrissimi Fontana probare videbantur, nervis solis nullam actionem opium praestare, at sluidis mutationem inducendo, mortem essecisse. Alii existimarunt, opium in irritabilitatem solum agere, et universalitatem essecus, huic principio, natura, constanti et indiviso, tribuendam esse.

Quare partes, in quas effectus ejus editi fint, pro virili parte magis perspicuum reddere, et rationem exquirere aequo pretio aestimandi diversas sententias in quas itum est, haud supervacaneum suerit. Propterea quod, ut academico officio persungar, hujus dissertationis argumentum esse placuit,

Experimentis

Experimentis demonstrare, quae partes opii operationi parent, investigando,

1mo. An edit effectus in fibram muscularem?
2do. Editne effectus in nervos?
3tio. An mortem infert fluida mutando?
4to. Quid absorptioni tribuendum est?

Argumenta, quo facilius perspicua reddantur, ad analogiam et rerum comparativa experimenta, quarum operatio confirmatur, et ubique admittitur, subinde confugitur. Ut omnia magis comperta credibiliaque habeantur, vivis sanifque animalibus in experimentis uti optimum videbatur. In hoc argumento ita proposito, conjecturae raro admittentur; neque quidquam inferetur, nisi directo quod ab experimentis deduci videatur. Vel sententiis tamen, vel experimentis aliorum uti liceat, quod saltem ad confirmationem, vel meorum elucidationem, pertifirmationem, vel meorum elucidationem, perti-

neat. Si pluribus verbis quidquam descriptum uspiam videretur, haec venia mihi concedenda, quippe cui persuasissimum erat, recte ut intelligar, opus esse ut res factas minute enumerarem.

CAPUT. I.

AN EDIT EFFECTUS IN FIBRAM MUSCULAREM?

SECT. I.

Solutio crudi opii, ad rationem unius drachmae ad unam aquae unciam, facta, et percolata, refiduum in chartula unius scrupuli quatuorque granorum reliquit, ideoque triginta et sex
grana opii tantum dissolvebantur. Hujus solutionis semuncia, ad temperaturam quadraginta
et quatuor reducta, viz. ad ranae temperaturam.
Cujusdam

Cujusdam ex istis animalibus vivi, thorace aperto, cor remotum vicies et quinquies, in sexagesima parte horae, se contraxit.

EXP. I.

H. M.

- 12 o Cor in hujus folutionis immersum suit femunciam.
 - o 2 Cordis contractiones multo minuebantur, quippe quae jam quindecim haud fuperavere.
 - o 8 Contractiones destiterunt. Cor a sluido remotum mechaniceque stimulatum, nihil omnino contractionis ostendit.

EXP. II.

12 20 Cor pari modo alia rana exscissum, in femunciam spiritus vini immersum, dum

H. M.

fe ter decies in fexagesima horae parte contraheret.

contractiones potentes exhibuit, at exinde nullas. Fluido detractum, et arte etiam stimulatum, nullus tamen ciebatur motus.

E X P. III.

- primae, exscissum, quod vicies et quater in sexagesima horae parte contrahebat, in semunciam aquae distill. temp. 44. immersum est.
- o 2 Cordis contractiones post immersionem crebrae pariter ac antea siebant.
- o 16 Jam cessavere contractiones, cum corde remoto et vitro horarii sicco superimpossito, mechaniceque irritato, contractiones per decimam horae partem non destitere.

Eadem

Eadem experimenta cordibus cuniculorum repetita erant.

E X P. IV.

H. M.

- ciso thorace, cor removebatur. In solutionis temperaturae coeli unciam immersum, vicies et ter in sexagesima horae parte contrahebat.
 - 4 Octodecim fiunt contractiones.
 - o 10 Sex vel octo in sexagesima horae parte perlanguidae contractiones.
 - cor unum spatio octo horae momentorum quievit; alia tamen multa contractiones exhibuisse,
 post quindecimum momentum, clare constabat.

EXP. V.

- H. M.
- o Alius cuniculi cor in unciam spt. vin.
- 6 2 Complures acres contractiones statim fecutae funt, quae jam haud parum defecere.
- o 9 Nihil contractionis visum: Cor eductum mechaniceque stimulatum, paucos languidos motus exhibuit.

EXP. VI.

- 21 30 Cuniculi vivi cor thorace exscissium, in aquam temperatura coeli immersum, quinquagies in momento horae contrahebat.
 - o 34 Contractiones saepe repetuntur.
 - o 40 Contrahebat languide; triginta tamen motus in sexagesima horae parte numerantur.

o 50 Nihil

H. M.

nulatum, per decem minuta, contrahere perstitit.

Uncia crudi opii in aquae duas uncias et dimidium diffusa, turbidam solutionem effecit, quae ad duodecim horas modice calida tenebatur; postea percolata per chartam, duae fluidi unciae vix transivere. Residuo opii deinde tantum aquae additum, quantum ad duarum pondus unciarum percolatam partem compleret. Residuum arefactum et ponderatum, nunquam tres drachmas duosque scrupulos superavit. Cum hac quantitate soluta, solutio facta est pro ratione quatuordecim scupulorum ad duas aquae uncias. Si evenisset, residuo ponderato, plus quatuordecim scrupulis solutum esse, tantum aquae additum, quantum, ut computatum est, ad justam rationem redigeret. Dimidium drach-

6 B

mae

mae quadraginta guttis ad dimidium ratis, octo grana tresque partes grani opii continebat. Haec potens solutio in plerisque experimentis quae sequuntur adhibebatur, sicubi minus potens commodior visa suerit, notabitur.

E X P. VII.

H. M.

- 1 34 Cuniculi vivi cor thorace exfcissum in 3j. hujus solutionis immergebatur.
- o 36 Tres vel quatuor contractiones acres inter immersionem excitatae sunt; sed nullae deinde visae. E sluido remotum, mechaniceque saepenumero irritatum est, at incassum.

E X P. VIII.

Aliud cor, pericardio detracto, in vitreum vas imponebatur. Tres drachmae potentis solutionis leniter susae, dum quinquagies, in sexagesima horae parte contrahebat. Interjectis deinde tribus minutis, nihil contractionis videbatur. Acu tamen punctum, quatuor vel quinque contractiones exhibuit; duodecima horae parte exacta, nihil motus excitari potuit.

EXP. IX.

Tres drachmae spt. vin. rect. cordi pulsanti, pericardio detracto, infusae, in duodecima horae parte motus penitus destitit. Cor remotum, stimulum adhibendo, excitari nequibat.

EXP. X.

Cordi alius cuniculi tribus aquae drachmis leniter infusis, per vigesimam horae partem eundem fere statum contractiones tenebant; duodecim minutis elapsis, cessavere. Corde remoto et coelo exposito, contractiones redintegratae

gratae sunt: Octo minutis exactis iterum cesfavere. Stimulo autem adhibito, iterum iterumque cor per quindecim minuta moveri potuit.

In experimentis supra memoratis, corda, sluidorum pari ac coeli temperatura, actioni objiciebantur; explorare tamen quid consequeretur, si fluidis objicerentur temperatura eadem ac animalium unde exscissa, haud supervacaneum judicabatur.

Quoniam cuniculi temperatura a nonaginta et novem et dimidium est, ad centum, uncia solutionis tenuioris ad similem temperaturam calefacta.

EXP. XI.

H. M.

2 40 Cuniculi cor, quod contractiones exhi-

H. M.

buit vehementes, in fluidum immergeba-

Octaginta et quatuor crebrae et acres contractiones in sexagesima horae parte.

o 46 Contractiones cessavere. Corde jam remoto, et vitro horarii superimposito, nihil contractionis stimulus excitavit. In aquam temperatura coeli diutius minuto immersum, et tum amotum, stimulo adhibito, tres distinctas contractiones exhibuit.

E X P. XII.

Experimentum postea, cum solutione dimidio fortiori, temperatura a centum gradibus et
uno, ad centum et duos existente, repetebatur.
Cum dua minuta immersum esset, cordis contractiones et violentes et rapidae plus centies in
minuto repetitae suere. Post quatuor minuta,
cor repente quievit, per proximum minuti de-

midium,

midium, septemdecim contractiones actae fueste. Amoto, frustra stimulus adhibebatur. Cor erat perslaccidum, et arteriae coronariae sanguine suere vacuae.

E X P. XIII.

Cor, perinde ac primum se habens, in unciam aquae distillatae temp. 100. immergebatur. Septuaginta potentes contractiones minuti spatio consequebantur, quae tamen, decem minutis elapsis, penitus cessarunt. Cor amotum, sirmum contractumque visum est. Arteriae coronariae sanguine distensae, post duo minuta quasdam vibrationes, nullo stimulo adhibito, exhibuit.

Ex experimentis jam memoratis sequentia deducenda videntur. 1mo, Opium, in corde cui adhibitum fuerat, vim contractilem delere. Vid. Exp. 1, 4, 7, 8,

2do, Hoc pro viribus folutionis adhibitae eventurum esse. Exp. 4tum, cum 7mo. et 8vo. compara.

3tio, Opium, eadem temperatura ac animalis adhibitum, plus valere. Exp. 4tum. cum 11mo. et 12mo. compara.

4to, Idem quod ex opii applicatione oritur, nempe, vim contractilem deletam, spt. vin. cordi adhibendo, evenire *. Vid. Exp. 2, 5, 9.

5to, Cum contractiones ex opii actione jam cessaverant, stimulo adhibito suscitari nequire;

at

Vide Appendix, lit. A.

at corde postea in frigidam immerso aquam, vim contractilem parva ex parte recuperari posse. Vid. Exp. 11.

6to, In frigida aqua, cum contractiones cessasfent, vim contractilem haud penitus deletam, mechanico stimulo demonstrari posse. Vid. Exp. 3, 10.

SECT. II.

Opium delere vim contractilem in ea parte cui primitus adhibitum est, cum videatur, nunc exquirendum si actio longius procedat, et contrahendi vis vel minuatur vel deleatur in partibus remotis.

Thorace cuniculi aperto, et convulfionibus, animali moriente excitatis, jam cessantibus, arteria teria pulmonari et aorta divisis, cor sanguinem penitus effudit: Arteria pulmonari postea ligata, cor septuaginta contractiones in sexagesima horae parte exhibuit.

E X P. XIV.

H. M.

in venam cavam superiorem injectae sunt.

Paucae guttae evasere.

o 23\(\frac{\pi}{2}\) Contractiones in utroque cordis latere subito cessarunt. Dextrum nullo stimulo parere adduci potuit. Motum languidum, sinistrum latus acus cuspide irritatum exhibuisse, satis constabat.

b Hoc experimento cum quinquaginta guttis repetito, vis contractilis in cordis lateribus utrifque penitus deleta.

In his duobus exemplis, contrahendi vis in corde folo delebatur. Musculi autem thoracis, abdominis, et partium extremarum, sicut antea, stimulo adhibito, contractiones exhibuerunt.

EXP. XV.

Cor alterius cuniculi, eodem modo, quam proximi praeparatum, octogies et fexies in fexagefima horae parte contrahebat; quadraginta guttae *spt. vini* in venam cavam injiciebantur. Cor statim conquievit; duobus minutis elapsis, stimulo adhibito, ambo ventriculi languidos motus exhibuere.

Pectoris, abdominis, extremorumque, musculorum vis contractilis minui non videbatur.

E X P. XVI.

H. M.

In alius cuniculi cavam, corde ut supra praeparato, H. M.

praeparato, octogies spatio minuti contrahente, quinquaginta aquae injiciebantur guttae.

o 40 Quinquaginta contractiones, at minus potenter, exhibitae fuere.

Contractiones per quindecim minuta postea numerabantur, et cum cessatum esset, stimulo adhibito, per decem minuta redintegratae sunt.

Experimentum cum opio in aliud animal repetebatur, arteria pulmonari non ligata. Pars folutionis illac evafit; idem tamen evenit, viz. vis contractilis in corde folo privatio.

Quae proxime deducebantur in hac sectione confirmantur. Vidimus etiam, animali extincto, actionem opii totum musculum cui adhibeatur tantum penetrare, et vim aliarum partium contractilem minime imminuere.

SECT.

SECT. III.

Opium vivi animalis cordi adhibitum.

E X P. XVII.

H. M.

- in venam jugularem cuniculi adulti vivi,

 per vitreum fyringem injectae funt, vena
 inftanter ligata, ne redirent.
- o 48\frac{x}{2} Animal interiit, faepe et violenter convulfum.
- o 50 Musculi pectorales nudati, acie cultri divisi, et arte stimulati sunt; nihil tamen contractionis videbatur.
- o 52 Musculis partium extremarum nihilvis contractilis adfuit.
- o 53 Thorace aperto, cor multum distendividebatur; languidos motus, nullo stimulo adhibito, exhibuit.

Cordis

H. M.

2 4 Cordis motus jam cessavit, nec alique stimulo resuscitari potuit.

In alium cuniculum eadem injiciebatur quantitas, eodem modo mors sequebatur. Quinque minutis postquam de motu et sensatione actum suerat, thorace aperto, cor motu vacuum contrahere ullo stimulo excitari noluit.

In venam jugularem tertii cuniculi viginti injiciebantur guttae. Interjecta semihora, magna
ex parte membris captus, in statum lethargicum incidit. Pulsus hoc tempore CXLIII. et
perlanguidi*? Duabus elapsis horis, animal
decubuit, et se erectum tenere nequivit; interea
cor irregulariter CCIV. pulsabat. Spatio trium

vel

^{*} Cor cuniculi natúraliter fere CCLXX. in spatio mi-

vel quatuor horarum elapso, animal viribus recuperatis alacrius videbatur; die sequenti pascebat, et penitus convaluit.

E X P. XVIII.

H. M.

- 2 13 Quadraginta guttae spt. vin. rect. in venam jugularem cuniculi adulti injectae funt.
- o 14 Animal mortuum, nulla tamen praevia convulsione oppressum.
- o 15 Thorace aperto, musculi pectoris stimulati languide contraxere. Cordi nullus erat motus, quod acu irritatum contrahere abnegavit.
- 6 20 Abdominis musculi languidas contractiones exhibuere.
- e 25 Extremorum musculi irritati contraxe-

E X P. XIX.

H. M.

- jugularem venam cuniculi adulti injectis, animal extemplo fine figno convulsionis interiit.
- o 17 Musculi pectorales divisi violenter contraxere.
- o 18 Musculi abdominales etiam contraxere.
- o 19 Thorace aperto, cor motu vacuum, et omni irritationi resistere videbatur.
- 11 24 Musculi cervicis femorumque contractiones edidere.

In cavitatem spinae, ad insimam cervicis vertebram divisae, instrumentum tenue introductum erat; nulla tamen contractio in musculis voluntario motui servientibus excitabatur. Femoris musculi iterum irritati, contractiones potentes

potentes pariter ac primo nudati exhibuere. Stimulo alternatim spinae et musculis deinde adhibito, spina stimulo irritata, musculi partium extremarum illi non paruere; at, musculis irritatis, contractiones semper sequebantur.

a Experimentum, fpt. volat. aromat. in venam jugularem injiciendo, repetebatur: Minuti spatio vix elapso, animal extinctum est. Vis contractilis cordi defuit, musculis tamen motu voluntario adhuc adfuit.

b Frigida aqua in venam alius animalis ad quantitatem semunciae injecta, hoc hebes et trepidum quodammodo effecit.

c Sexaginta guttarum vini rubri injectio, idem ac aqua edidit.

Hinc multum animadvertendi occasio innascitur; scitur, hinc quoque quae sequuntur facile deduci possunt.

1mo, Aetherem vitr. caeterosque potentes stimulos, aeque ac opium in cor injectum, mortem inducere.

2do, Ex actione harum rerum singulatim, vim cordis contractilem deletam esse.

3tio, Vim opii non solum partis cui praecipue adhibitum suit, verum etiam contractilitatem systematis universi, delere.

Notatione tamen est dignum, in effectibus aetheris et opii generalibus, differentiam occurrere. Aethere injecto, animal extemplo periit; vis contractilis partibus corporis remotis nihilominus adfuit; opio injecto, penitus deleta est. Quomodo hoc explicari potest? Satisfacientne

6 D

observa-

observationes quae sequentur? 1mo, In experiment. XIX. aetheris injectionem, mortem instanter secutam esse, demonstratur. In Exp. XVII. tamen spatium minuti et dimidii, opii injectionem, et animalis mortem, intercessisse. 2do, In Exp. XIV. et XV. potestates adhibitas post mortem, totum musculum solum affecisse, parti cujus unicae applicatae fuerant, constabat. His duabus rebus statutis, vis contractilis in partibus corporis animalis remotis aethere extincti, durationem, repentinae morti et actionis sequenti exitio in ea parte, cui potestas admota fuerat, attribui posse verisimillimum est; hoc eventu praecipitato, aditus, quo effectus diffusi effent, occlusus fuit: Quoniam autem mors animalis, cujus cordi opium adhibitum fuerat, non, donec tria semi-momenta abiissent, evenit, satis erat temporis, quo actionem ejus diffundi licebat, aditu ei rei accommodato *.

Notari

^{*} Vide litt.. B. in notis.

Notari quoque debet, quod tametsi vis contractilis partibus extremis animalis aethere extincti adfuerat, irritantis tamen usum instrumenti in spinae medullam protrusi, nihil in musculis contractionis effecit. Hoc exceptionem regulae generali praebet, nempe cum nervi, qui organorum volantario motu musculis distribuuntur, irritentur, contractiones in horum musculis organorum semper excitari.

Ut detegeretur, an idem in cuniculis alio modo interfectis, semper obtinuerit, quatuor animalibus decollatis, musculi et inferiorum et partium superiorum adhuc contractilitate gaudebant: Instrumento peracuto per spinam detruso, in uno solo animali contractiones excitari videbantur. Stimulus alternatim et spinae et musculis caeterorum adhibebatur, nihil tamen contractionis musculorum, instrumento in spinam introducto, ullo in exemplo secutum est, at musculi,

musculi, stimulo eorum corporibus adhibito, semper paruere.

SECT. IV.

Nunc exquirendum, an opii actio, cum cor animali exscissum esset, eaque de causa, circuitus sanguinis penitus deletus esset, universum systema penetraret? Quare quum cuniculi huic experimento minus accommodentur, propterea quod vitam sustentare nequeunt, nisi perpauca momenta thorace aperto, ranas, quae vitae sunt tenaciores, aptiores experimentis fore, occurrebat.

EXP. XX.

H. M.

5 O Sterno ranae adultae fedulo ablato, et corde exscisso, quinquaginta guttae solutionis potentis in ventriculum, vitreo syringe, injiciebantur; complures evasere.

o 15 Animal

H. M.

- o 15 Animal haud parum stupefactum; extrema extensa et sere paralytica videbantur.
- o 20 Animal convellebatur. Cultri acie extremis punctis, fensatio excitatur.
- o 40 Facultas voluntarii motus penitus extincta; at, ubi contactum est, convellebatur.
- 6 10 Animal mortuum. Nihil motus aut fensationis excitari potest.

Musculis denudatis, stimulus frustra adhibebatur; nervo crurali diviso, et deinde compresso, nihil contractionis sequebatur.

E X P. XXI.

Triginta ejusdem solutionis guttae, in ventriculum alius ranae injiciebantur, corde antea remoto, pariter ut proxima convellebatur, et paulo post post horam et quindecim minuta, e vita excessit.

Post mortem nihil vis contractilis ulli musculorum omnino superfuit.

E X P. XXII.

Viginti guttae in ventriculum alius ranae injiciebantur. Hora duodecimque minutis elapfis, animal mortuum est. Post mortem nulla vis contractilis signa musculi exhibuere.

E X P. XXIII.

H. M.

- 6 45 Quinquaginta guttis spt. vin. rect. in ranae ventriculum injectis, corde ut supra remoto.
- 7 O Animal stupefactum, et lethargicum; at stimulatum, sensationem adhuc retinet.
- o 50 Animal moritur. Musculis nudatis, et irritatis, et crurales nervos premendo, et stimulum

lum musculis adhibendo, nihil contractionis ex-

Hinc deducendum,

1mo, Spiritus vini rect. et opii in ventriculum injectionem, corpora ranarum, quarum corda remota fuerant, pariter afficere.

2do, Partes remotas, aeque ac partem cui injectio adhibeatur, affectas esse.

3tio, Hac operatione, vim contractilem fibrae muscularis deleri.

4to, Nec ad hoc efficiendum, circulationis auxilio esse opus.

CAPUT

CAPUTIL

AN EDIT EFFECTUS IN NERVOS?

SECT. I.

refectibles opii diffusis ita sirmatis, in consilium prosequendo, ad ea proxime animadvertendum, quae in edendo hunc effectum praecipue adjuvent; his exploratis, partes quae opio potissimum afficiuntur, facile dignoscentur. Ex experimentis a compluribus acutis physiologis factis, variae sententiae exortae sunt. Effectum in partibus nervorum extremis solummodo editum, per alias corporis partes eo dissussimum essentium auxilium arcessivere, effectu in nervos simul concesso. Non desuere etiam qui affirmarunt, mutationem sluidorum corporis, sieri oportere,

oportere, et ex hujus mutationis unice effectu, modum, quo partes magis remotae afficiuntur. explorari posse. Variarum eorum sententiarum veritatem detegere per experimenta conari opor-Observare quidem licet, experimenta XXI. &c. &c. quae proxime recitata sunt, mortem ex actione opii fequi, fine absorptione, vel fanguinis circuitu, procul dubio demonstrare, et vires in systemate reliquas, ad effectum perficiendum haud esse impares, satis constabat. Attamen nec mihi in animo est nunc, vel absorptionem opii, vel mutationem fluidorum, repudiare; investigatione tamen prosequenda, quantum momenti his auxiliis concedendum, demonstrabi-Otium non permifisse totam experimentorum seriem quam proposui perficere, haud parum me piget; quare, in prosequendo investigationem, ad experimenta aliorum referre, prout res postulat, ut liceat rogo; nullum tamen auctorem citabo, cujus nomen publico favore non gaudet.

6 E

Inter

Inter doctissimi Professoris Monro de opio ex-

"I cut the spinal marrow across at its middle, and then destroyed, with a red hot iron,
the hind half of it, and twenty hours after
this applied an hundred drops of the solution on scraped linen to both hind legs; after three hours the animal cried when the
fore part of it was touched; after sour hours
tit began to be convulsed, and the blood had
ceased from motion in the hind seet. After eight hours it shewed no outward sign of
life †.

cc T

- * Haec folutio in ratione drachmae opii ad unciam aquae facta, et postea percolata.
- † Physical and Literary Essays, p. 336. exp. 14. vol.
 3. Doctissimum Professorem hoc experimentum non secisse, explorandi causa, an opii essectus dissundi potest, sine ope nervorum, sed an opii absorptio, morti animalis, cui adhibitum

"I laid bare the sciatic nerve of a frog, for the length of more than one fourth of an inch, and poured on it two drops of the solution of opium; but did not observe that the member was hereby impaired either in its fense or motion, though I attended to its effects both that day and the sollowing days *."

Ex primo horum experimentorum opium effectus suos, in partibus remotis, sine actione nervosi systematis, edere posse credibile videtur:

Ex secundo, actioni opii superficiem nervorum non parere. Copiosissima experimenta, optimeque perpensa, de hac argumenti parte, in peringeniosi Fontana scriptis occurrunt, quae cum accuratissime omnia ab ipso auctore describantur, neque in compendium, argumentis ejus illaesis,

adhibitum erat, quidquam confert, observare oportet. In rem prosequendo hoc fusius notabitur.

^{*} Physical and Literary Essays, p. 325. vol. 3.

laesis, redigi possint, verba auctoris ipsa citare, quae ad hanc rem pertinent, commodissimum videbatur.

" J'ouvre le bas ventre aux grenouilles, et " je decouvre les nerfs cruraux au moyen de 66 petites pinces et de petits ciseaux, de maniere " qu'ils demeurent entierement depouillés de "tout autre partie; je coupe alors les vertebres " et le corps de l'animal en deux, a l'endroit " precis ou l'on voit sortir ces nerfs, et sans les " toucher en aucun façon, et sulement a force " de petits chocs dans les parties voisins, je fais " tomber les nerfs entre les cuisses de l'animal. "Dans cet etat, je coup ras des cuisses l'os, qui " y restoit attaché, et j'ai totalement isolés ces " nerfs cruraux sur la longeur de 8 ou 10 lignes, " et plus dans les plus groffes grenouilles. " fais tomber les nerfs d'une cuisse dans une " petite capsule de verre, et ceux de l'autre cu-"iffe dans une autre capsule pareille. " nerfs.

s nerfs font totalement placés dans les capsules, se que je puis les remplir de quelque fluide, sans "qu'il parvienne a toucher les muscles voisins " des cuisses, de telle sorte que ces nerfs sont " isolés entre eux, et aussi relativement aux cuis-" ses. Je mets d'ordinaire, dans l'une des cap-"fules, la matiere, que je veux eprouver " contre les nerfs, et j'en mets ce qu'il en faut " pour que la plus grande partie du nerf en 66 foit couverte, pour qu'en meme tems elle ne " puisse pas fuir, et s'élever jusqu'aux cuisses, et " fe meler avec le fang. J'ai la precaution de 66 ne laisser aucun vaisseau uni avec les nerfs, " et de mettre dans les capsules d'a côté un " peu d'eau pour entretenir ces nerfs humides, " comme les autres. Je puis faire ainsi la com-" paraison entre les nerfs venimes et ceux que " ne le font pas, et supputer le temps qu'ils " continuent de contracter les muscles, et la vi-" vacitè de mouvement. Je destinai 300 gre-56 nouilles a ces experiences; je les divisai en " dix

dix classes, a raison des differens intervalles de tems, que je les laissai en experience. "Ainsi je tins, pendant dix minutes en contact, d'un côté avec l'opium dissous dans " l'eau, et de l'autre avec l'eau pure, les nerfs " cruraux isolés de la premiere classe, que de " meme que toutes les autres etoit composéé de 30 grenouilles. Ceux de la seconde y resterent pendant vingt minutes, et ainsi de " suite jusqu'a cent minutes: Ce que est le "temps, apres le quel le nerfs n'etoient plus " capables de contracter leurs muscles. Il est " vrai, que dans d'autres experiences j'ai trouvé, " que les cent minutes ne suffisoient pas pour " que les nerfs perdissent en entier la faculté de contracter leurs muscles; mais ces differens " resultats dependent de mille circonstances pars' ticuliers, et n'infirment point la loi des effets, " que j'ai observé de cette suite de trois cents experiences.

"Voice les resultats que j'ai obtenus: Aux bout

" bout de premieres dix minutes, je stimulai " les nerfs cruraux medicamentées (j'appelle-" rai de ce nom ceux, auxquelles etoit appliqué "l'opium) et ceux qui ne l'etoient point; et je " vis que les deux pattes, tant la droite, que la " gauche, se contractoient, avec la meme force " et la meme vivacité. Au bout de 20 min. " je repetai l'experience des stimulus sur la se-« conde classe de grenouilles, et je ne trouvai " aucune difference sensible entre les mouve-" ments des deux pattes, et a peine etoient ils " un peu moins vifs qu'auparavant. " bout de 30 minutes, les mouvemens etoient " moins forts, mais egalement dans l'une et " dans l'autre. Au bout de 40 minutes, a peine " les pattes se contractoient; mais on voyoit tres " biens leurs muscles en particulier se contrac-" ter, lorsqu'on piquoit les nerfs cruraux, et les mouvemens de ces muscles etoient egaux et egalement vifs dans l'une et dans l'autre. Au 66 bout de 50 minutes, on voyoit encore les " muscles

muscles se mouvoir, mais beaucoup moins "qu'auparavant. Leurs mouvemens etoient « cependant egaux dans les muscles des deux Au bout de 60 minutes, les mouve-" mens etoient tres petits, mais egaux des deux " côtés. Au bout de 70 minutes, il falloit observer avec beaucoup d'attention pour les voir bien; mais je ne pus trouver aucune difference sensible entre le mouvement des muses cles de la patte droite, et celui des muscles " de la gauche. Au bout de 80 minutes, dans se quelques grenouilles on n'observoit plus au-" cune mouvement, de quelque maniere qu'on " stimuloit les nerfs cruraux, saut les medica-" mentées, que ceux qui ne l'etoient pas. Mais " dans le restant de 30 grenouilles de cette oc-" tave classe, je ne pus pas m'appercevoir qué « les nerfs medicamentées fussent moins aptes à " contracter les muscles, que ceux que ne "l'etoient pas. Au bout de 90 minutes, je " n'observai de mouvement que dans peu de " grenouilles

" grenouilles et je ne pus m'appercevoir, dans le nombre de 30 grenouilles que j'examinai, que l'opium ait plus alteré le nerf, que n'avoit fait l'eau simple. Au bout de 100 minutes, les muscles des jambes etoient immobiles, de quelque maniere qu'on stimulât les nerfs, tant d'un côté, que de l'autre."

Ex his experimentis, opium nervo solo adhibitum, vim contractilem in sibra musculari minuere nihil valere, auctor contendit. De diligentia Fontana etsi nihil dubitabam, experimenta repetere haud supervacaneum videbatur. Repetitio hoc modo gerebatur.

Nervi ranae qui ad inferiora membra mittuntur, longe super initium pelvis ex spina oriuntur, et per interiorem superficiem dorsi lumborumque musculorum, in quibusdam ranis majoribus, ad digiti sere longitudinem percurrunt, priusquam inter pelvis musculos intrant. Ope

6 F

hujus

hujus dispositionis, forfice parva et peracuta, fub his nervorum fasciculis, ad summam partem pelvis, introducta, unica incifura, pelvem et extrema, a reliquo corpore divisi. Nervos a spina emissos adhuc integros per forficem aliam peracutam postea abscidi; ita duae corporis partes penitus separatae sunt. Hoc modo, plus digiti dimidio nervi nudatum, et a quaque fibra musculari remotum, in ranis adultis relinquitur. Extrema postea plano suberis frusto quartam digiti partem crasso, superimponebantur, finibus nervorum a margine corticis pendentibus; finguli nervi in parva vitrea ad eam rem parata, quae fingula drachmam fluidi continere potuerunt, recipiebantur. Unum ex vitreis potenti folutione opii, aliumque pura aqua complebatur: Hoc modo tres partes longitudinis nervorum nudatorum, in utraque fluida penitus immergebantur, et sic, quo minus musculos divifos contingant, prohibitum fuit.

E X P. XXIV.

In hoc statu, nervi per decem minuta manebant, et tum vitrea movebantur, nudatis nervorum truncis leniter per forcipem compressis, musculi femoris tibiaeque utrinque violenter contraxere; si quicquid differentiae intersuit, musculi extremitatis cujus nervi in opii solutionem, minus quam musculi, quorum nervi in aquam immersi suerant, movebant.

E X P. XXV.

Pari modo cum alia rana repetitum; nervi hinc in aquam, et inde in potentem folutionem, per spatium viginti momentorum immergebantur. Nervis amotis et compressis, contractiones aeque vehementes in musculis utrinque excitari videbantur. Nervorum sines utrinque cultri acie tum irritabantur; sed nihil contractionis in musculis siebat. Nervis iterum compressis, idem effectus in musculis manifestus erat.

EXP.

E X P. XXVI.

Tertiae ranae eidem experimento subjectae nervi, in dua ut supra sluida, per quadraginta minuta, immergebantur. Postquam remoti suisfent, violentes contractiones in musculis, nervis utrinque compressis, excitabantur. Irritando tamen nervorum sines nihil contractionis siebat.

E X P. XXVII.

Nervis quartae ranae ita nudatis, per spatium octoginta momentorum immersis, et postea amotis, contractiones pariter violentes, in utrisque extremitatibus, nervorum compressioni successere. Membris cutis deinde detracta, et musculi nudati sunt. Paucae ex sale communi particulae, in pulverem redactae, musculis utriusque semoris et cruris adhibebantur, violentes contractiones in omnibus musculis sequebantur, quarum vis et frequentia augebantur, prout humiditate

ditate partium sal dissolvebatur. Musculorum superficies colorem rubriorem sibi assumpsit, et vascula sanguinis plena passim videbantur. Contractiones post salem adhibitum plus quadrante horae permansere.

Ex hac experimentorum Abb. Fontana confirmatione, quam diligentissime accuratissimeque
investigationes confecisse, colligi potest. Affirmare tamen licet, tametsi probatum fuerit,
aquam aeque ac opium extrema nervorum divisa afficere, ea de causa, in sentientia nervorum
extrema, opium non valiturum, minime consequi. Ut huic argumento respondeamus, ad experimenta celeberrimi Monro confugere liceat.

"I cut all the organs at the pelvis, except
the large nerves which go to the hind extremities; then I tacked the hind legs by threads
to the trunk of the body, to prevent the
nerves from being overstretched or torn; af-

"tion of opium under the skin of both hind extremities. Ten minutes after, the hind legs were less sensible, and much weakened, and in a quarter of an hour more, they were quite insensible and motionless; yet the forepart of the body was not observably affected six hours thereafter, and the animal lived until next day *."

E X P. XXVIII.

Hoc experimentum repetebatur, musculi, vasa omnia et os, ubi nervus schiaticus ex pelvi exit, in utroque semore ranae dividebantur. Nervus integer relinquebatur, et, inter operationem, ne irritaretur, summa cura dabatur. Femorum musculi per parvula fila ad pelvis musculos connectebantur. Post hanc operationem, voluntarii motus facultatem, et in tibiis et pedibus animal retinuit.

Viginti

^{*} Physical and Literary Essays, p. 324.

H. M.

- 11 58 Viginti et quinque potentis solutionis guttae per soramen in cute semoris injiciebantur; ligamentis primum ad genu et pedis juncturam ruptis. Facultas vel
- ex irritatione membri, nullum contractionis fignum percipitur. Pars corporis fuperior debilitari non videtur.
- o 25 Animali satis virium ad trahenda crura superfuit; at haec jam penitus paralytica sacta fuere. Animal per spatium sex horarum et diutius vixit, et postea manu occisum est.

De alia rana pari modo actum est; quae, duodecim horis elapsis, non minus vigoris retinuit, quam altera, cujus organa, essectus comparandi causa, similariter divisa erant, at cui nihil opii adhibitum suerat. Haec experimenta satis ad objectiones respondendas juxta quosdam forsitan sufficiant. Quanquam ex collatione experimen-

torum celsissimi Fontana et Monro, illius opinioni haud parum momenti debere concedatur; me tamen judice, actionem opii fine ope nervorum diffundi posse, haec experimenta penitus probare haud videntur; quare, propter causas sequentes, de hac re non possum non anceps hae-1mo, Ex injuria iliacorum nervorum finibus inter divisionem a spina illata, fieri potest, sensationem ita minutam esse, ut ad essectum opii a divisis partibus, ad musculos subjectos transmittendum, impares redderentur. 2do, In Exp. XXVIII. totis organis ad femoris caput, praeter nervum, divisis, circulatio per membrum inde delebatur; hac deleta, (quae ad fensationem promovendam plurimum valet) haud vero abhorret, nervum superiori corporis parti effectum communicando, qui in sentientibus ejus extremis exhibitus erat, imparem redactum fuisse. Quapropter experimenta variare commodissimum visum est.

SECT. II.

E X P. XXIX.

Portione ossis triangulari cranio ranae exscissa, dura piaque mater remota est.

H. M.

- 12 40 Potens solutio, ad octo guttas, in superficiem cerebri, per vitreae syringis curvum tubulum, versus medullam spinalem, injecta est: Una vel duae guttae non intravere.
- o 41 Animal violenter convulsum.
- et irritati funt, nihil tamen contractionis consecutum est. Nervis, qui ad extrema inferiora tendunt, compressis, nihil contractionis excitatum.
- o 46 Thorace aperto, cor movere videbatur, vi naturali et frequentia minime diminutis. Per spatium exinde horae contrahere non desiit.

E X P. XXX.

Secunda rana, in cujus cerebrum octo guttae injectae fuere, paucis quidem guttis amissis, quindecim minuta post injectionem factam, superstes fuit. Cor, ut supra, post mortem contrahere videbatur.

E X P. XXXI.

Eadem folutionis quantitate in cerebrum tertiae ranae injecta, animal instanter convulsum, in spatio minuti mortuum est. Thorace aperto, cor XLII. validas in momento contractiones exhibuit, nec post tres horas praeteritas penitus cessaverat. Musculi voluntario motu, stimulo parere noluerunt.

E X P. XXXII.

Quartae cranio ranae eodem modo aperto, duodecim

duodecim guttae aquae, duabus vicibus injectae; pars cerebri parvula ejiciebatur. Post injectionem, per multa minuta, animal stupesactum videbatur, sed, semi hora vix interjecta, per conclave saltavit. Proximo mane adhuc vixit, nec multum affici videbatur, sex guttis solutionis in superficiem cerebri dein injectis, in tribus minutis extinctum est.

E X P. XXXIII.

Pars ossis parietalis cuniculi mediae aetatis remota erat, dura piaque mater abducta, quadraginta guttae solutionis sub cranio injectae erant, nonnullae tamen evasere; sluidi ingressio partem cerebri parvam exclusit. Animal postea liberatum est. Spatio momenti lethargicum videbatur, et adeo suit infirmum, ut se sustentare nequiret; per decem minuta similariter se habuit, quibus elapsis, violenter convulsum est, caput retractum et spatio momenti et dimidii mortuum

mortuum est. Thorace aperto, cor magna violentia et velocitate contrahere visum est. Musculi pectorales mechanice stimulati sunt; nihil tamen contractionis, nec in musculis abdominis, nec semoris, eodem modo stimulatis, inde secutum est.

E X P. XXXIV.

Portio offis parietalis alius cuniculi eadem fere aetate levata est, duraque matre remota, quinquaginta guttae solutionis leniter, duabus vicibus, in cerebrum injectae suere; nihil cerebri ejectum, signa nulla doloris animal per tria momenta, superque, exhibuit; dein convulsionibus, pariter ac proximum, correptum, in tribus fere minutis mortuum est. Thorace jam aperto, cor violenter micabat. Centum et quatuor contractiones auriculae sinistrae, in spatio minuti, numerabantur, ventriculus quadragies modo in eodem spatio contraxit. Pericardio detracto,

fal communis adhibebatur, quo, vis et velocitas contractionum magnopere augebantur. Coronariae arteriae fanguine turgescebant, et tota superficies cordis, quam antea, multo erat rubrior. Musculi semoris et thoracis stimulo mechanico parere recusaverunt*. Cum primo aperiretur thorax, interni musculi intercostales, sale adhibito, excitari non potuerunt, posteaquam per decem minuta coelo expositi suerant, sal iterum adhibitus, vividas contractiones per duodecim minuta excitavit.

Ex his experimentis demonstratur, 1mo, In cerebrum opium effectum edere.

2do, Ex convulsionibus morti praeeuntibus, et vi contractili post mortem deleta, hunc effectum per nervos ad partes corporis remotas extendi, inferre licet.

3tio, Opii effectum, in partes remotas, ita il-

^{*} Abdomine aperto, motus intestinorum peristalticus illaesus videbatur.

latum, eundem esse, ac si his primo admotum, vel in ventriculum, aut venam jugularem injectum suerat, nempe vis contractilis exitium.

4to, Cor tamen, et intestina hujus exitii non participia esse, sed actionem eorum parum imminutam superesse.

Actione opii in cerebrum, et in partes corporis remotas, via nervorum, ita demonstrata, an eadem eveniant, per idem medium, opio unicuivis ex aliis organis adhibito, investigare pergebam.

SECT. III.

Hac mente, omnia organa duorum extremorum ranae quam proxime pelvi divisi, nervo schiatico excepto: Os femur etiam integrum permansit, ne musculi nimium retracti, vel animalis ad essugiendum conatus, nervo distendendo, injuriam inferrent.

E X P. XXXV.

H. M.

- quadraginta potentis solutionis guttae injectae sunt. Paucae guttae mox ore exivere.
 - o 40 Animal multo debilitatum,—stupefactum.
- o 58 Animal violenter, extrema quoque inferiora convulsa sunt.
- 12 20 Convulsiones supersunt, at leviores.
- o 30 Nulli, nisi ex tactu, motus, et tum vix conspiciendi.
- Animal pene mortuum. Nervo sinistri femoris forcipe leniter compresso, nihil contractionis in musculis excitatum est.
- o 10 Animal mortuum est. Schiatico dein nervo utrinque compresso, nullibi contractum est. Cute detracta, et musculis nudatis, nihil contractionis,

contractionis, irritatione adhibita, excitari po-

E X P. XXXVI.

Experimentum in secundam ranam est iteratum, simili cum eventu.

E X P. XXXVII.

In ventriculum tertiae ranae, ut supra praeparatae, quinquaginta guttis injectis; animal spatio quinquaginta momentorum e vita excessit. Nervis schiaticis ut antea compressis, musculi extremorum contraxere.

Meo rogatu, amicissimus Gulielm. Barton, M. D. qui plerisque hic relatis experimentis testis adfuit, hoc proximum repetivit. Duas ranas, ut supra praeparatas, opii in ventriculum injecti, actioni subjecit. Una ranarum vix per horam

horam superfuit, cujus musculi, in ea parte extremorum infra divisionem, nervo compresso, contrahebantur.

Altera, post horam, superstes suit, at mortua; nihil contractionis in utriusque membri muscu-lis, nervo compresso, excitari potuit.

Ex his quinque experimentis, duo demonftrant, vim contractilem in membrorum musculis permansisse, postquam animal opio extinctum
fuit. Ex his tamen duobus, nervos solos, effectum opii, non transmittere, vix inferri potest,
quia hi eventus prout negativi solum considefandi; nervus enim inter operationem laedi,
vel musculorum retractione distendi potuisset, vel
coelo expositus, circuitu sanguinis deleto, effectum opii promovere non valuisset. De his quam
maxime cavere oportuit; experimentum ea de
re cautius repetebatur.

H

EXP.

E X P. XXXVIII.

Cunctis organis, praeter nervum schiaticum, pelvi quam proxime divisis, musculi semoris, versus pelvis musculos, ligaturis adducti, et margines cutis scissae divisas partes texerunt. Ita ne nervus nimium distenderetur cautum est, et aer aliquatenus etiam exclusus.

H. M.

- ventriculum injectae funt.
 - o 10 Animal magnopere debilitatum.
- o 16 Animal convulfum. Musculi sub genu aeque magisve, quam corporis reliqui, convulsi suere.
- 2 10 Animal mortuum. Ligaturae dein divisae et nervi in conspectu positi, nervus dextri semoris forcipe compressus, in musculis tibiae nihil contractionis omnino visum, etsi in variis locis usque ad genu compressus est. Nervo al-

terius

terius femoris compresso, languidus in uno musculo tremor perceptus; at, compressione iterata, musculus excitari noluit.

E X P. XXXIX.

Duae ranae selectae, in utrisque, cutis, secundum cursum nervi schiatici ubi exit ex pelve, divisa est. Musculis leniter separatis, nervus in conspectum venit, instrumentum tum sub nervo et supra musculos introductum, deinde musculi cum vasis per totum semoris circuitum, duabus incisionibus, divisi sunt. Musculi et pelvis et semoris deinde ligaturis conjungebantur. Hoc modo nervus expositus, minus quam ut supra laedi potuit.

In ventriculum alterius ranae quadraginta guttae opii folutionis injectae funt, animal post quindecim minuta universe convulsum; duarum spatio horarum elapso, penitus extinctum est. Ligaturis amotis, nervus utrinque compressus est, ne minimus quidem in musculis motus concitabatur. Cute deinde detracta, et sale communi in pulverem redacto, adhibito, nil contractionis in ullo musculo videbatur.

EXP. XL.

In ventriculum alterius ranae viginti injectis guttis, animal per quatuor horas vitam sustinuit. Neque, nervo post mortem compresso, nudatove musculo, sale communi adhibito, motus omnino excitari potuit.

E X P. XLI.

Ad caput usque femoris alius ranae, cuncta organa praeter nervum, causa comparationis, divisa, musculi ut supra ligati sunt. Nihil tamen opii in ventriculum injectum est. Tribus horis interjectis, nervo hinc compresso, in musculis tibiae

tibiae pedisque vividae contractiones excitatae sunt. Sex horis elapsis, nervo inde compresso, idem essectus evenit. Decem post horas, extrema a corpore separabantur, et nervorum compressio contractiones excitavit.

Cura in experimentis perficiendis adhibitafretus, perspicue demonstrari credo,

1mo, Opium in ventriculum injectum mortem efficere, et vim contractilem muscularis sibrae delere.

2do, Vim contractilem inferiorum extremorum, quando nullum nexum, nisi per schiaticos nervos, cum reliquo corpore habent, etiam delere.

3tio, Partes has remotas per medium folum nervorum schiaticorum affici.

His de causis, opium in systema nervosum agere pro comperto habeo.

CAPUT

CAPUT III.

SECT. I.

TUNC tempus est exquirendi an fibra muscularis sua propria vi omnino, vel ex parte, hunc essectum in partes remotas edere potest.

E X P. XLII.

Adultae spina ranae, supra partem qua nervi ad inferiora emittuntur, divisa est. Membra inde paralytica facta; animali tamen ad trahenda crura satis virium superfuit. Musculi irritati adhuc sese contrahebant.

H. M.

2 0 Quadraginta guttae folutionis in ventriculum injectae.

Animal

H. M.

- 2 14 Animal adeo debilitatum, ut trahere crura nequeat.
- o 17 Totum animal, praeter extrema inferiora, violenter convulsum.
- 3 40 Animal mortuum est.

Pars corporis inferior a superiori, abdominis et dorsi musculos dividendo, disjuncta est. Illiacorum nervorum lenem compressionem et crurum et semorum musculorum vividae contractiones secutae sunt.

Brachii et pectoris musculis nudatis, sal communis incassum adhibitus est.

E X P. XLIII.

Triginta guttis in ventriculum alius ranae injectis, cujus spina pari modo divisa est: Animal
duabus horis aliquanto diutius vixit. Inferiore
corporis parte separata et iliacis nervis compressis, musculi inferiorum pariter ac proximo in periculo

riculo contrahebantur; musculis sal adhibitus, eosdem edidit effectus.

Hoc experimentum quater aut quinquies iteratum est; eadem semper praebuit. Animalia citius vel tardius, pro quantitate opii in ventriculum injecta, et animalis viribus majoribus, moriebantur. In omnibus exemplis, communisale post mortem musculis inferiorum extremorum adhibito, contractiones vividae excitatae; in compluribus, schiatico nervo per tres horas post mortem, compresso, musculi cruris sese contraxere; at, sale superioris corporis partis musculis applicato, nullae ciebantur contractiones. Nervi, qui his partibus suppeditantur, a spina supra partitionis punctum abeunt.

Ex his, fequentia deducere possumus:

1mo, Opium in ventriculum injectum animal extinxisse, cum spina divisa fuit. 2do, Vim contractilem, in extremis inferioribus, post mortem, non deletam esse.

3tio, Vim contractilem, in extremis superioribus, post mortem, deletam esse.

4to, Durationem contractilitatis in extremis inferioribus, nervorum nexui interpellato attribuendam esse.

5to, Neque nexum fibrarum muscularium, nec contractilitatem, quae una toto corpore et indivisa proprietas putatur, per se vim opii propagare satis valere.

Quo haec conclusio magis sit manisesta, nervum schiaticum quam proxime ad pelvem dividendo, membrorum ranae paralysis partim inducta. Nervi divisio totum membrum paralyticum non reddidit: Animal attrahere semora corpori valuit. Cruris superior junctura sere, inferiorque necnon pes, penitus paralytica reddebantur.

E X P. XLIV.

H. M.

- 4 52 In ventriculum ranae ita paratae triginta guttae folutionis injectae.
- o 55 Animal jam valde debilitatum.
- o 57 Animal adeo debilitatum ut ad crura, aut femora sursum ducenda, vires desuere.
- 5 13 Animal convelli incipit; femora convulsionum participia fiunt, at cruribus et pedibus nullus inest motus.
- 6 10 Animal extinctum est. Femoribus, cruribus, et pedibus, sal communis adhibitus, crurum et pedum musculi per viginti minuta valide contraxere. Nullum motum semorum musculi per aliquod tempus edidere (plerumque, cum excitari possent, multo citius, multoque violentius, adhibito sale, quam musculi crurum contrahunt) dein, quodam tempore interjecto, in quibusdam sibris languidae contractiones visae.

Dum musculi crurum atque pedum movere perstiterint, abdomini, thoraci, et uni brachio, nudatis, sale admoto, ad nihil contractionis in quavis harum partium excitari potuit.

Quare ab hoc animali opio extincto compertum habetur:

1mo, Musculis post mortem in iis locis, ubi nervorum communicatio interpellata non fuerat, vim contractilem defecisse.

2do, Ubi partim interpellata fuerat, ibi vim contractilem partim manifestam fuisse.

3tio, Ubi penitus interpellata fuerat, vim contractilem manifeste post mortem superfuisse.

4to, Contractilitatis in partibus supradictis exitium, actioni opii per medium nervorum attribuendum esse.

CAPUT

C A P U T. IV.

AN OPIUM, FLUIDOS MUTANDO, MORTEM.
INFERT.

SECT. I.

Panfis, admittamus opium musculari sipensis, admittamus opium musculari sibrae adhibitum vim contractilem delere, systema nervosum necnon opium afficere, et inde
contractilitatem in partibus remotis et vitam ipsam, per medium nervorum, extinguere, nihilo
secius haud proposito alienum erit, si inquiramus,
num vis ejus contractilitatem delendi, et mortem afferendi, ab altera, vel utraque causa supradicta, adjuta est, nempe, num opium, auxilio
absor-

^{*} In capite 1mo. et 2do.

absorbentium, in systema delatum, vel secundum Fontana, sluida mutando, mortem infert.

Auctor ille perspicax, in hanc sententiam corollariis ab experimentis deductis, in pagina 34. relatis, ire adductus, viz. opium in nervos nihil valere; etiam, ab aliis experimentis, in muscularis sibrae irritabilitatem, nullam habere potestatem, insert. His duobus consirmatis, mutationem sluidorum opio inductam, unicam esse causam mortis, conclusit. Opinionem, et experimenta ejus, summatim transcribam.

Sur les Coeurs de Tortues.

" Je sis trois autres experiences sur le coeur

" separé du thorax, et plongé dans la dissolution

" d'opium faite par l'eau, et je ne pus m'apper-

" cevoir d'une difference sensible, dans la dimi-

" nution et la perte du mouvement, en compa-

" rant

"rant ce coeur avec d'autres, dont j'avois mis
deux dans la dissolution de quinquina, et
l'autre dans l'eau pure.

"Il paroit donc tres probable, si non certain,
du moins par le peu d'experiences que j'ai
rapportées, que l'opium dissous dans l'eau,
n'a aucune action immediate sur les mouvemens du coeur dans les tortues.' P. 350.
tom. 2do.

"Je couvris d'opium dissous dans l'eau, le coeur a trois, et j'en baignai un quatrieme a- vec de l'eau, pour faire une experience de comparaison. Je ne pus appercevoir de grand dissernce dans la cessation du mouve- ment de ces quatre coeurs." P. 352.

Sur les Coeurs de Grenouilles.

" Je mis un coeur de Grenouille dans l'esprit

" de vin; il cessa de se mouvoir en deux se-"condes. I'en mis un autre dans l'opium dif-" fous dans l'eau pure. Il continua de se mou-" voir pendant 40 minutes. Je mis trois coeurs " dans l'eau pure, l'un cessa au bout de 21 mi-" nutes, mais it reprit spontanement ses oscilla-"tions a pleusieurs reprises; un autre au bout " de 10 minutes; mais il reprit tout seul ses " mouvemens: Le troisieme au bout de 50 " minutes. J'ai repeté ces experiences sur plus " de 50 coeurs separés du thorax. J'ai taché " de les faire dans les memes circonstances. " J'en ai mis plusieurs dans la dissolution de " quinquina, d'autres dans l'eau pure, d'autres " dans l'opium dissous dans l'eau: Les resultats " ont eté tres differens, tres inconstans; mais je " ne pas pus conclure que l'opium ait vraiment " de l'action sur le coeur de ces animaux, " quand on l'y applique dans les circonstances " qui j'ai observées. Telle est du moins mon " opinion, jusq'a present, et je me reserve de " faire,

" faire, dans un autre temps, un plus grande nombre des experiences.

"Je ne pretends exclure par mes experien"ces reiterées, que l'action immediate de l'o"pium contre les nerfs; et mon intention est
"de prouver en meme temps l'action immedi"ate de l'opium sur le sang, independamment
"des nerfs, sans m'embarasser des hypotheses
"imaginaires, que pouroit saire les neurologis"tes pour soutenir les erreurs et prejuges anti"ques, et pour les saire quadrer avec les saits
"que nous venons d'etablir." P. 364. tom. 2.

Unum ex sustentaculis hujus opinionis ex Exp. 1. 4. 7. 8. 11. in capite 1mo relatis, jam eversum; alterum, causis in p. 35 relatis, sicut etiam experimentis 29. 35. 38. 39. 40. in capite 2do, valde debilitatum est, ex quibus opii essectus in systema nervosum maniseste patebat. Inquirere tamen volui, si ex opio in circulationem introducto,

introducto, quicquid ad demonstrandum sanguinis mutationem aptum innotesceret.

SECT. II.

Ab experimento 17. demonstratum fuit, solutionem per venam jugularem in cor cuniculi injectam, spatio momenti et dimidii mortem effecisse. Experimentum cum valido et adulto animali repetitum.

E X P. XLV.

Triginta et tribus guttis potentis solutionis ad nonaginta et novem gradus calesactis, per jugularem venam, injectis, convulsiones universe exhibebantur, nec per minutum et dimidium cessavere. Tribus elapsis minutis, animal prorsus extinctum est. Post mortem, ex inspectione cadaveris, nihil vis contractilis in ullo musculorum voluntariorum detegi potuit. Thorace a-

K

perto,

perto, cor irritatum, motus prorsus suit expers. Postquam coelo per pauca minuta expositum suisset, sex languidas contractiones spatio momenti exhibuit.

Morte animalis, opio in cor injecto, probatâ, si concedatur hujusmodi mortem ex primaria sluidorum mutatione effectam esse, eadem quantitate in circuitum sanguinis quovis alio aditu injecta, idem eventurum esse, necessario consequetur.

E X P. XLVI.

H. M.

- 2 0 Triginta et tres guttae, ejusdem solutionis et temperaturae, in venam cruralem cuniculi magnitudine et viribus aequalis, injectae sunt. Animal confestim liberabatur; sed nihil aliud nisi quiddam stuporis sequebatur.
- nam cruralem injectae funt; animal brevi languidius

H. M.

languidius quam antea fiebat; attamen non convulsum.

- moribus afficitur. Cor 260 in spatio minuti pulsabat.
- 2 36 Animal stupefactum et somnolentum.
 Pulsus languidior 126 in minuto.

De animali nil observabatur, donec,

9 Quo tempore convalescere videbatur. Triginta abhinc minutis pascebat, sed eo minus, quo huic periculo subjectum suerat.

1mo, Hinc, triginta et tres guttas opii solutionis, in venam jugularem injectas, mortem efficere, constat.

2do, Eandem vel etiam duplicem quantitatem, in venam cruralem injectam, mortem non inferre.

3tio, Mortem inferre fluida mutando, si concedatur, hanc mutationem, opio injecto per cruralem, cruralem, aeque ac per venam jugularem, effectam effe debere constat.

4to, Igitur opium in venam jugularem injectum, fluida mutando, mortem non inferre.

5to, Ab experimentis in capite primo narratis, effectum opii in vim contractilem cordis, sanguine nil adjuvante, edi, et ab experimento proximo, sluida non mutari, et etiam ab experimentis in capite secundo, opium in systema nervosum agere constat; his rite perpensis, mortem efficere vim contractilem delendo, et hunc effectum, medio nervorum per universum systema dispertiendo, facile sequitur *.

CAPUT

* Vid. Appendix, lit. C.

CAPUT V.

QUID ABSORPTIONE TRIBUENDUM EST?

SECT. I.

PROXIME considerandum, an opii absorptio corpori animali adhibiti, quicquid ad mortem ejus conferre potest.

E X P. XLVII.

H. M.

- vem cuniculi mediae magnitudinis, semuncia potentis solutionis injecta; ex injectione nulla doloris sensatio oriri videbatur.
 - o 42 Animal membra facile movere potest, nec adhuc multum affici videtur.

Animal

H. M.

- o 46 Animal languescit et tremit: Cor pulsat 284 spatio minuti.
- o 48 Membrum sinistrum paralyticum sit.
- o 50 Cuncta animalis membra extenduntur et paralytica fiunt.
- o 58 Animal violenter convulsum, corpore porrecto, et capite retracto, decubuit; cor 228 pulsabat, at perlanguide.
- o 55 Convulsum est.
- 1 0 Mortuum est.

Ex inspectione post mortem, musculi et pectoris et abdominis vim contractilem perdidisse
videbantur; motu intestinorum peristaltico pene
integro. Cor expositum, nonagies et quater in
minuto pulsabat; quatuor minutis elapsis, nononagies, minus tamen regulariter. Per viginti
et quatuor minuta post mortem, contrahere non
cessatum. Loco, quo injectum erat, aperto,
quiddam instammationis conspiciebatur, viz. va-

sa distenta, et multum sanguinis in cellulari membrana effusum.

E X P. XLVIII.

Hoc experimentum in juniorem cuniculum repetebatur; tres ejusdem solutionis drachmae sub cute injectae sunt. Tribus minutis elapsis, cor 288 pulsabat: Interjectis sex momentis, posteriora extrema paralytica siebant, et in octo momentis animal convulsum; caput retractum, et corpus, ut supra, porrectum. Decem minutis ab injectione elapsis, animal moriebatur. In pectoris, abdominis, extremorumque musculis, vis contractilis penitus deleta erat. Motus peristalticus adhuc permansit. Thorace aperto, cor per septemdecim momenta contrahere non desiit. Parte qua solutio injecta erat detecta, sanguinea effusio signaque inflammationis, in hoc, quam precedente periculo, magis manisesta suere.

Notatione

Notatione est dignum in primo atque altero horum experimentorum, voluntariorum musculorum vim contractilem deletam esse, quae tamen, animali mortuo, nec cor, nec intestina deseruerat*.

E X P. XLIX.

H. M.

- 1 45 Aetheris vitriolici femuncia sub cute cuniculi mediae aetatis ad summam pelvem dextro latere injecta est.
- o 50 Animal stupesactum, posterioraque extrema jam paralytica. Cutis circum pelvem, et ad summum semur, aëre distensa.
- o 55 Animal jam sensatione viduum. Cor 264 pulsabat, at perlanguide. Pars tota corporis inferior pertumida. Respiratio difficillima.
- 2 o Pulsus jam adeo depressus ut percipi minime potuit.

Animal

Vid. Appendix, lit. D.

H. M.

o 8 Animal mortuum.

Corpore inspecto, nihil contractionis in voluntariis musculis excitari potuit. Tumefactione sub cute puncta, aerem evadentem candela accendit. Cor et intestina nudata, movebant, nec cor contrahere prius cessabat, quam vigessimo momento post animal mortuum.

Horum animalium, opii absorptioni sub cute injecti, mors vix attribuenda est.

1 mo, Quia applicationem ejus effectus nimis subito secuti sunt.

2do, Si absorptionem in his exemplis ad mortem afferendam valere admittatur, actio ejus
primo in cor exhibeatur, oportet, cujus contractilitas magna ex parte deleri debuit; etenim parva
opii quantitas in cor injecta vim contractilem
extinxisse et mortem effecisse, ab Exper. 17. de-

6 L monstratum

monstratum suit. Post mortem tamen animalium in his periculis, maxime manisesta superstitit ejus contractilitas, nec motus per aliquod tempus cessavere. Quare nihil opii ad cor delatum esse, et animalia sine absorptionis auxilio extincta suisse, verisimile videtur.

EXP. L.

Adulti cuniculi abdomen aperiebatur, pars parvorum intestinorum in conspectum venit; vasa lactea tamen videre non potui. In unam intestinorum partem, tres solutionis drachmae valde coloratae injectae sunt; extrema partis sluido repletae ligatura circumducta suere. Par lactis quantitas in alteram partem, injecta, et eodem modo detenta; viscera in abdomen reposita, et paulo post remota et explorata, ne minimum vestigium vel lactis vel opii solutionis, in vasa lactea resorptae, discerni potuit.

EXP. LI.

Canis ingens deinde vinctus est, parvis intestinis, circiter longitudinem pedis et dimidii, abdomine exire permissum est, et plurima lactea maniseste chylo completa visa sunt. Intestini pars ad utrumque extremum, ubi haec vasa copiosissima suere, ligatura circumducebatur, et quinque circiter drachmae solutionis potentis injectae. Intestinum in abdomen restitutum est. Viginti circiter minutis elapsis, iterum in lucem productum, nihil solutionis in lacteis invenitur, quae, quanquam vacuae, per supersiciem mesenterii facillime investigari potuerunt. Sal intestino admotus nihil contractionis excitabat.

In his experimentis, nullo etsi documento, absorptionem obtinuisse, confirmatur, nec indidicium erat, quo absorptio inferri potuit; vim opii tamen in systema editam absorptioni partim tribuendam esse, inficias ire nolo.

SECT.

SECT. II.

Hactenus experimentorum illustrissimi Profesforis Monro nullam mentionem feci; sententia ejus nimia auctoritate pollet, ut praeteriretur.

" After cutting, in four frogs, all the nerves "which issue from the posterior end of the spine, " to be distributed to the pelvis and hind ex-"tremities, I passed a thread close behind the " large blood veffels, between them and the "bones of the loins; thus cutting or tying the " intercostal nerves, which alone could be sup-" posed to make any communication of the " nerves above with those below, and leaving " nothing unhurt but the large blood veffels, " and with them probably the absorbent lymso phatic vessels. I then applied about 100 "drops of the folution on scraped linen, to the " skin of the hind extremities of all these frogs, " and in two of them I also poured 10 drops of " the

- the folution under the skin below the knee.
- " After an hour and an half, the two which
- " had the opium poured under the skin of their
- " legs were violently convulfed, and in little
- " more than two hours were dead to outward
- "appearance; but the other two were not af-
- se fected to a like degree until above an hour
- " later *."
- "I next cut the spinal marrow across at its "middle, and then destroyed, with a red-hot "iron +," &c.

Ex modo, quo doctissimus Professor experimenta instituit, mortem animalis consecutam esse satis patet; tamen hanc opii absorptioni solum attribuendam esse, haud aeque manifestum est. Injuria animalibus illata ad essectum producendum

^{*} Physical and Literary Essays, vol. 3. p. 334. Exp.

[†] Vid. p. 34. hujus dissertationis.

cendum aliquid conferre potuit; hinc confequentia deducta quodammodo infirmatur. Hoc modo rem investigare pergebam.

EXP. LII.

Spina adultae ranae, in medio vertebrarum dorsi, divisa, extrema paralytica reddebantur; quo sacto, communicatio nervosa inferiora inter et superiora penitus praecludi videbatur.

H. M.

- 2 55 Per exiguum foramen ad summum utriusque semoris, ligamentis ad genu ruptis, triginta solutionis guttae injectae sunt.
- 3 25 Leves convulsiones, quae per totos abdominales musculos extenduntur.
- 5 23 Animal mortuum est.

Phaenomena post mortem.

Musculi abdominales, adhibito sale, nullas contractiones edidere, brachiorum et pectoris musculi

musculi eodem modo se habuere. Musculi tamen sub maxilla tenuem motum exhibuere. I Thorace aperto, cor 49 spatio minuti pulsabat.

E X P. LIII.

Pari modo alius ranae, comparationis causa, spina divisa, nihil tamen opii sub cute injectum. Animalis vires per multas horas remanebant. Decem ab initio horis, admodum infirmum, et novemdecim elapsis, mortuum est.

In omnibus corporis musculis, sale adhibito, vividae contractiones excitatae sunt.

Alterum ex his animalibus opii effectu interiisse, ni fallor, haud dubitari potest.

ımo, Ex convulsionibus, quas toti abdominales musculi ante mortem passi erant.

2do, Ex contractilitatis exitio in musculis voluntariis post mortem.

Hucufque

Hucusque hoc experimentum celeberrimi Monro sententiam confirmat; re tamen maturius perpensa, opinioni, opii absorptionem mortem efficisse, haud multum arridere videbitur.

Convulsiones in abdominis inferiore parte et infra spinae divisionem observatae, nexum nervorum haud prorsus interruptum fuisse, me suspicari adduxerunt. Accurate examinando, communicationem per spinam satis deletam susse repertum est; ab articulatione tamen vertebrae, supra punctum divisionis proximae, truncus nervosus utrinque exire visus est, qui cursu declivi decurrens, et abdominalibus musculis ramos subministrans, ad summum semur demum terminatur, a vertebra huic superimposita, etiam alius descendit truncus, eandem viam tenens, sed qui multo citius quam alter oculum investigantis evasit.

In hoc exemplo, animalis mortem absorptioni opii

opii vix attribuendam, his de causis existimare cogor.

Communicatio nervorum, partes inter inferiores et superiores corporis, modo jam designato,
et etiam continua cutis superficies, nervis in his
animalibus abunde instructa, nexum satis efficacem inter duas corporis partes, quo mors explicari potest, sine absorptionis ope, facile praebent.
Praeterea, ex inspectione cadaveris, vim cordis
contractilem pene integram post mortem reliquam esse videbatur. Quare, si admittatur,
opium resorptum in hoc experimento mortem
induxisse, hunc statum effecisse necesse est, vel,

1mo, Quia tantum in systema per absorptionem introductum erat, quantum animal universaliter afficeret; vel,

2do, Quia in cor primitus vim fuam edidit, contractilitatemque ejus delevit, et reliquum corpus per medium nervorum affecit, modo in Exp. XVII. et Exp. I. lit. B in notis narrato.

6 M

Ex

Ex periculo * autem ab egregio nostro Professore Monro persecto, sex guttas in cor injectas cor prorsus paralyticum reddidisse, et animali mortem postea intulisse, comprobatum est: Sex autem guttas in ventriculum injectas, animal universaliter non assecisse, etiam monstratur †.

Mors igitur animalis, in periculo LII. primo modo evenisse nequibat; quia opii illa quantitas, quae absorpta, animal universaliter assiciendo, mortem inferre potuit, vim contractilem cordis etiam prorsus delevisse debuit.

Nec altero modo, quia conditio necessaria in corde ad mortem inferendam, nempe contractilitatis exitium, nunquam inducta fuit.

Quinetiam, in Exp. XLVII. et XLVIII. quando opium

^{*} Physical and Literary Essays, vol. 3d. p. 330. Exp.

[†] Vid. Appendix, lit. E.

opium organis voluntarii motus adhibitum, mortem effecit, vim eorum contractilem delevisse, organorum autem involuntarii motus pene integram reliquisse, reperiebatur. Etiam in Exp. * lit. D 1. et 2. cum organis involuntarii motus adhiberetur, mortem intulit, omnium corporis organorum vim contractilem delevisse compertum est. In periculo LII. musculorum solum voluntarii motus contractilitatem deletam esse vidimus, corde contractilitatem deletam esse vidimus, corde contractilitate post mortem gaudente. Quare si aliquod momenti observationi, in notis sactae, datur, opium in periculo LII. non resorptum esse, animal autem actione opii in organa voluntaria extinctum esse, patet.

Comparativi Exp. LIII. eventus, animal cujus spina bisecta, at cui nil opii adhibitum suit, post novemdecim horas decessisse, monstravit. In periculo celsissis. Monro, supra citato p. 84. opium viginti horis post spinam bisectam adhibitum suit;

^{*} In notis.

fuit; hac de causa mors animalis injuriae illatae ascribi potest, ergo consequentiae momentum animal absorptione opii extinxisse inde diductae magnopere debilitatur.

SECT. III.

Si opii absorptio quiddam in mortem inducendo valeret, animal, in quo absorptio prohibita fuerit, alio, cui systema absorbentium est integrum, caeteris paribus, serius morietur.

EXP. LIV.

Triginta folutionis guttae sub cute inferiorum extremorum ranae injectae, ut omnis opii in systema, via absorbentium, aditus prohiberetur, cor amotum est. Animal, unius horae spatio, mortuum est.

Statu musculorum post mortem explorato, nihil contractilitatis, sale adhibito, excitabatur.

EXP. LV.

Ut in aperto esset, quantum injuria illata ad animal necandum contulit, alio, eadem magnitudine, cor quoque amotum est. Per spatium decem momentorum, animal vires et agilitatem retinuit. Spatio horae mortuum est.

Statu musculorum post mortem investigato, vis contractilis maniseste patebat; nec musculi per viginti minuta, sale adhibito, movere cessarunt.

Contractilitas in Exp. LIV. deleta, in Exp. LV. fuperstes, opium effectum suum solitum per systema extendisse, probare videtur; sed mors aeque celeriter in hoc, ac in illo Exp. eveniens, quo minus inde quicquid deducatur impedit.

Ut experimentum quandam mutationem fubiret, biret, duarum ranarum cordum ventriculi ligati funt, unius ne quid folutionis absorptae in systema intraret, alterius comparandi causa.

E X P. LVI.

H. M.

- rumque extremorum injectae, alterius cruris cutis lacerata fuit, ideoque haud parum folutionis evasit; nihilominus
- Musculis post mortem inspectis, falem adhibendo, nihil contractionis excitari potuit.

E X P. LVII.

Aliud animal, per tres horas vigorem, vitamque per quinque et supra retinuit.

Inde opium, quando absorptio ita impeditur ut animal usque ad sinem experimenti supersit, mortem mortem aeque cito vel etiam citius, quam, fystemate absorbentium integro, inferre; et etiam muscularis sibrae conditionem post mortem eandem esse, ac in istis experimentis, ubi systema absorbens integrum est, plane liquet.

E X P. LVIII.

Vena cava, aorta, et absorbentibus intactis, musculi abdominis, nervi musculi, et ossa ad lumbos forsice divisa sunt. Deinde intestinum rectum ligatura interclusum.

Nullus igitur nexus inferiores partes corporis inter et superiores, nisi per vasa sanguinea et absorbentia, relictus est. Ne quid injuriae animalis conatus, partes distendendo, his vasis inferret, lumborum divisi musculi, per duas ligaturas, inter se conjuncti sunt. Duo animalia hoc modo parabantur.

E X P. LIX.

H. M.

- 9 40 Sub cute utrorumque extremorum unius ex his animalibus, triginta folutionis guttae injectae.
- 10 35 Animal mortuum est.

E X P. LX.

Rana altera, cui opium non adhibitum fuit, fub vitreo super mensam ponebatur. Spatio temporis eodem quoque mortua est.

Cum post mortem exploraretur, superioris partis corporis musculi, in utrisque animalibus, sale applicato, aeque contractiles erant; musculi tamen inferiorum extremorum animalis, cui opium applicatum erat, vim contractilem perdiderant.

Thorace

Thorace utriusque aperto, corda vivide pulfantia visa suere. Cor animalis opio imbuti 46, alterius autem 49 contractiones in minuto, exhibuit.

Utrumque animal ex injuria solum operatione illata mortuum esse, maniseste patet; quaedam tamen ab eventu observare licet,

bens praecluso, systemateque nervorum integro, muscularis sibrae post mortem deletam esse, certo comperi.

2do, In periculo LIX. jam relato, nervorum fystemate intercluso, vasorum absorbentium integro, contractilitatem corporis superioris partis musculorum non deletam esse, satis etiam patet, temporis etsi intervallum, operationem inter et mortem in Exp. LIX. ac in Exp. LVI. fere idem fuerat.

SECT. IV.

Haec disquisitio, primum experimentum supra citatum p. 84. repetere ducit.

E X P. LXI.

Pars inferior ranae abdominis aperta est, et omnes nervi, qui ex parte posteriore spinae exeunt, divisi sunt. Ligatura, sub vasis sanguineis, musculis quantum sieri potuit vicina, introducta est; absorbentia hoc modo extra ligaturam relicta sunt. Lumbi, omnibus cum musculis dein ligatura arcte compressi sunt, praeterea ut omnia tutissima essent, alia ligatura, exiguo intervallo supra, pari diligentia circumducta, operatio decem minuta occupavit.

H. M.

ginta folutionis guttae injectae funt.

H. M.

- vulsiones. Animal debile et languidum.
- 12 12 Animal moribundum, oculi irritati adhuc moventur.
 - o 35 Animal mortuum est.

Inspectione post mortem habita, musculi voluntarii, nisi eos sub inferiore maxilla, adhibito sale, contrahere noluerunt.

Thorace aperto, cor pallidum et fere fine motu. Sex motus perlanguidos in minuto tantum exhibuit. Sal admotus est, at sine ullo effectu.

E X P. LXII.

Alterum animal, eodem modo paratum, cui opium non adhibitum fuit, intervallo quinque horarum vixit, et haud languide respiravit, septem, tamen, mortuum est. Thorace aperto, cor pulsare,

pulsare, at languide, visus est; sale tamen adhibito, et cor et musculi voluntarii vivide contraxere.

In Exp. LXI. vasa absorbentia integra relicta fuisse, et nervorum nexum spinam inter et extrema inferiora interclusum esse, notare necesse est. Cadavere inspecto, cordis et musculorum voluntariorum contractilitas deleta, mors etiam hujus ranae, quam illius, cujus extremis nil opii admotum suerat promptior, opii actionem satis declarant. Experiment. doctissimi Monro hucusque ergo consirmatur; tamen investigatione ampliore dignum visum est.

E X P. LXIII.

Aliae ranae, sicut priori, paratae, hoc, quod sequitur, solum intersuit; priusquam nervi divisi fuerunt, aorta et vena cava a caeteris partibus cautissime disjuncta sunt. Nervis deinde divisis, duae

duae ligaturae circa lumbos, ut antea missae; omnes deinde partes quam arctissime vinctae: Ut absorbentia intra ligaturam inclusa tenerentur, aorta et vena cava hoc modo disjungebantur. Inter operandum decem minuta transsivere.

H. M.

- 2 15 Sub cute utriusque posterioris extremitatis triginta guttae injectae suere.
- o 35 Animal haud leviter debilitatum, et parte superiore corporis contacta, leves excitantur convulsiones.
- 3 10 Animal adhuc vivum, nulli tamen motus convulsionum similes; oculi irritati movebant.
- o 43 Animal mortuum.

Investigatione post mortem habita, nihil contractionis, sale adhibito, in voluntariis organis, nisi motus perlanguidus sub maxilla inferiori, excitari potuit.

Thorace

Thorace aperto, cor pallidum et fanguine expers visum est, et minus exhibuit motus quam in Exp. LXI. acu vel sale admoto, contractio minime augeri videbatur. Motus, minuto et dimidio interjecto, postquam thorax apertum fuerat, cessavere.

In experimento proxime relato, cura omni adhibita, absorbentia intra ligaturam coercere proposui; quapropter hujus experimenti eventus vim conclusionis a primo periculo, p. 84. deductae non parum frangit, viz. mortem animalis absorptioni ascribendam. Eadem enim absorbentibus in periculo LXIII. ligatis, et in periculo LXI. liberis, obtinuere; alio ergo aditu, ut opii actio ad superiorem corporis partem transmitteretur, necesse est. Animali mortem opium intulisse, his de causis satis constat, quia hoc animal, viz. in periculo LXI. altero in periculo LXII. maturius mortuum est, et musculari sibrae nihil inerat contractilitatis. Hic tamen quaeri licet,

nervis

nervis vel divisis vel ligatis, et aditu per absorbentia interpellato, quonam modo opii, ad superiores corporis partes, essectus extendebantur? Huic quaestioni omnino satisfacere, rem imprimis difficilem agnosco. In experimento faciendo, nullum subiisse errorem assirmare nolo, cura tamen adhibita fretus, respondere conabor.

Vasis absorbentibus et nervis, vel divisis vel ligatis, nexum, partes corporis superiores, inter et inferiores, ope vasorum sanguineorum ex corde, intestinique canalis ex ventriculo productorum, interesse, observare oportet. Haud vero autem absimile, nervos qui intestinis suppeditantur, musculis recto et semori vicinis, postea distribui; si igitur talis connexio extitisset, opium sub cute injectum, partibus inter quas caeterasque corporis partes communicatio libera relicta suerat, adhibitum est. Duobus his igitur modis, nempe per sanguinea vasa, vel intestinalem canalem (at multis de causis, per canalem

nalem praecipue fieri credere adducor) effectus opii extendi potuissent. Praeterea, ex extispitio, haec communicatio probabilis evadit. Organa enim voluntarii motus, contractilitatem perdiderant, et in organo involuntarii motus, corde scilicet, vis contractilis etiam pene deleta fuit.

Si in Exp. XLVII. opium organis voluntariis adhibitum, mortem intulisset, et contractilitatem organorum involuntariorum parum minuisset, si in Exp. I. et II. in not. D. opium organis involuntariis admotum, mortem quoque intulisset, contractilitatem organorum voluntariorum delevisset, et involuntariorum vel delevisset vel plurimum minuisset, haec animalia in LXI. et LXII. opio organis involuntariis admoto perempta esse, verissimile videtur; namque in utroque experimento, cordis conditio huic sententiae plurimum favet. Ad hanc sententiam stabiliendam observatio, in periculo LVIII. sacta, multum conducit,

ubi animale post mortem explorato, visum est, effectum opii, quando nervorum nexus penitus interclusus, intestinum rectum ligatum vasa abforbentia pervia fuerant, ad partes corporis fuperiores minime attigisse; namque organa voluntaria et involuntaria, contractilitate manifeste adhuc gavisa sunt. Quare, si in uno Exp. viz. LVIII. nervis, canali intestinali et musculis vel divisis vel ligatis, cursu autem absorbentium libero relicto, animal opii operatione non occiditur, si in alio Exp. viz. LXIII. nervis, musculis, et vasis absorbentibus vel divisis vel ligatis, dum canalis intestinalis non occluderetur, et animal ex opii effectu perit, opii actionem ab inferioribus ad superiora, per canalem intestinalem, diffusam esfe, concludere fas est,

Utcunque haec se habeant, nihil in experimentis hoc in loco relatis, invenietur, quod opinioni, absorptionem aliquod ad extendendum opii effectus conferre, faveat. E contra,

6 (

quanquam

quanquam ab his non clare liquet, opium ea quantitate adhibitum quae mortem efficere valeat, nunquam resorberi, tamen conclusiones ab experimentis p. 84. citatis deductae, multum insirmantur.

His de causis,

1mo, In experimentum spinam bisecando factum, opiumque viginti horas post spinam bisectam,
adhibendo, dubia quaedam admoveri possunt;
quia mors opii applicationem consecuta, injuriae
animali illatae, aeque ac essectui opii absorptionis,
ascribi potest. Neque ex aliqua mutatione in
sibra musculari, absorptionem opii extitisse, compertum habetur. Vid. Exp. LIII.

2do, Opium inferioribus extremis adhibitum, in Exp. L.I. mox post bisectionem spinae, effectus consecuti, nempe, abdominalium musculorum ante mortem convulsiones; contractilitatis in voluntariis musculis exitium, et duratio in corde post mortem, absorptioni minime sa-

vent; at cuidam nervorum nexui relicto referendi funt.

3tio, Animalis mors, quando absorptio prohibetur, non serius accidit, sed potius promovetur. Vid Exp. LIV. et LVI.

4to, Experimentum, in quo nervi, ad inferiora extrema tendentes dividuntur, caeteraque ligantur, absorbentibus liberis relictis, nil probat, quia absorbentibus intra ligaturam vinctis eadem eveniunt. Vid. Exp. LXI. et LXIII.

5to. Nervorum connexione prorsus deleta, absorbentium integra relicta, mors animalis, cui opium non admotum suerat, non diutius producitur, quam animalis, cui adhibitum suerat; et, conditione partium in hoc post mortem explorata, nihil opii absorptum suisse, communicatione, per vasa absorbentia, haud interpellata, plane videtur. Vid. Exp. LIX. et LX.

Appare a covicin hervorage merchanical action according

CONCLUSIO.

midentification atmost in

Partibus corporis, in quas opium actionem fuam exercet, pro virili indagatis, ea quae ab experimentis nostris rite deducenda, ad argumentum nostrum immediate pertinent, repetere haud abs re fore judico.

1mo, Opium fibrae musculari admotum contractilitatem ejus nunquam non consumit *.

2do, Spiritus vini, et alii stimuli valentiores, eosdem effectus praestant †.

3tio, Opium, eadem qua animal, admotum, contractilitatem fibrae temperatura inferiore, citius, confumit ‡.

4to, Opium applicatum cordibus animalium, quae motus voluntarii facultatem et vitam, brevi tempore

^{*} Vid. Exp. I. IV. VII. VIII. XI. XII. XIV. &c.

⁺ Vid. Exp II. V. IX. &c.

[‡] Compara Exp. IV. cum XI. XII.

quamvis contractilitas in systemate pene integra restet, vim tamen contractilem musculi totius, cujus pars actioni ejus subdita suerat, solum consumit, dum reliquae corporis partes, ut antea, contractilitatem suam conservant *.

5to, Effectus opii, admoti cordibus animalium quae corde privata, per tempus aliquod vivunt, et motus voluntarios efficere perstant, per totum corpus dispertiuntur †.

6to, Opium in ventriculum, vel sub cute, cosse fere edit effectus ac in cor injectum, scilicet, mortem insert, contractilitatem delet .

Sed hoc notatu dignum est,

7mo, Quando sat opii ad animal interimendum musculis voluntariis admovetur, musculi involuntarii

^{*} Vid Exp. XIV. a et b.

[†] Vid. Appendix, B. Exp. I. II.

[†] Vid. Exp. XX, XXI. XLVII, XLVIII. &c. &c.

involuntarii contractilitatem suam adhuc conservant *.

8vo, Musculis involuntariis adhibitum, non modo eorum, sed etiam musculorum voluntariorum, contractilitatem abolet 7.

ono, Opium partes corporis longe remotas non ideo afficit, quod musculi inter se nectuntur, nec quod contractilitas, natura, indivisa est ‡.

nomo, Nullum talem fluidorum conditionis mutationem infert, qualis ad mortem partium remotarum inducendam, vel ad contractilitatem harum perdendam, valeret

11mo, Opium corpori applicatum ea quantitate resorberi posse, quae animal enecaret, minime constat §.

12mo,

^{*} Vid. Exp. XLVII. XLVIII. LII. LIX. &c. &c.

[†] Vid. Appendix, D. Exp. I. II.

[‡] Vid. Exp. XLII. XLIII.

[|] Vid. Exp. XV XVI.

[§] Vid. Exp. XLVII. XLVIII. LII. LIX. &c. &c.

12mo, Et res haud ita se habeat necesse. quia opium eandem conditionem absorbentium, ac caeterarum partium musculis instructarum, movere videtur*.

13tio, Vim suam in cerebrum et nervos exhibet †.

14to, Nexu inter nervos intercluso, effectus ejus haud palam siunt ultra sines nervorum istius partis, cui immediate admovetur .

15to, Systemate nervoso incolumi, omnes corporis partes sub imperio nervorum afficit ||.

16to, Quamobrem nervis debemus, quod opium effectus suos longe lateque diffundit.

APPEN.

^{*} Vid Exp. LI.

[†] Vid. Exp XXIX XXX. XXXI. &c. &c.

[†] Vid. Exp. XLII. XLIII. XLIV.

Vid. Exp. XXXV. XXXVI. XXXVIII. XXXIX.

6 16. 29 timp first assist a silver services the all retaineds man 14. Yes grasmas males constitution of the second of the second of the second Les The transfer of the party of the party of the well like your state of the second the second of th SERVICE CONTRACTOR OF THE SERVICE OF

APPENDIX NOTARUM.

A

PER contractilitatem, eam dotem intelligi volo, quae irritabilitas nominatur, ab Hallero aliifque fibra musculari insitam esse; a Whytt, Monro, et iis quibus nervorum doctrina maxime arridet, a nervis in fibram muscularem diductam, existimatam. Verbum contractilitas mihi prae aliis placuit, quia pericula fere semper in fibras musculares instituta sunt. Terminus est etiam qui vim earum contrahendi magis accurate exprimit quam irritabilitas, quippe quae latiorem significationem habet, et, juxta quorundam sententiam, proprietas est toti corpori vivo

6 P

communis,

communis, vel, ut aliis verbis utamur, vitae sons et origo est.

Quoniam, opium musculari sibrae admotum contractilitatem ejus delere, jam demonstratum sit, sententia mea de actionis ejus vi, quantitate contractilitatis post mortem superstite, plus minusve abundante, nititur, et ut haec in conspectum prodeat, salis communis stimulo utor, quippe qui, uti inveni, contractiones sibrarum tum excitare, potest, cum caeteri stimuli desecere. Salem stimulum ad hanc dotem, in musculari sibra detegendam, essicacissimum esse, Dr Smith, in thesi de actione musculari 1767 edita, etiam reperit.

B

Hoc magis verisimile videbitur, si ad effectus ex spt. vini rect. et spt. volat. aromat. Exp. XVIII. et Exp. a p. 20. injectis provenientes, attendimus.

attendimus. In his enim periculis, contractilitatem musculorum post mortem reliquam, quam in iis cum aethere extincto, minus, quam in iis cum opio, majus abundantem, reperimus; quod quidem sieri oportuit, quoniam aethere vitriolico minus, opio plus, istae potestates stimulant. Attamen sequentia experimenta hanc opinionem sirmant.

EXP. I.

Sterno ranae adultae caute levato, cor 58 pulsationes intra minutum peragere visum est. Pericardio dein amoto,

H. M.

- 2 50 Guttae duae solutionis potentis in venam cavam injectae sunt. Ventriculus instanter quievit. Auricula quindecies in minuto solummodo micavit. Animal postea profilire conatus est, et signa doloris vehementis praebuit.
- o 52 Auricula quievit.

Animal

H. M.

- 3 o Animal admodum fuit debile.
- e 30 Animal mortuum est.

Corpore inspecto, musculi membri inferioris, ex uno latere, stimulo salis communis obtemperare recusaverunt, ex altero, levis contractio est musculorum semoris. Leviuscula nervi cruralis compressio, contractionem unicam, debilem ex hoc latere ex altero ne minimam, peperit; nervo iterum compresso, motus penitus defuit.

EXP. II.

H. M.

- 6 47 Guttae duae folutionis in cor ranae alterius proxima grandioris, injectae funt.

 Ventriculus movere extemplo ceffavit.

 Auriculae contractiones feptendecimintra minutum videre fas fuit.
- o 49 Guttae duae iterum injectae sunt. Auricula quoque movere desivit.

Animal

H. M.

Animal profilire strenue nisus est.

- 7 45 Animal tantum non mortuum est.

 Convulsiones, etiam stimulo adhibito, omnino absuere.
- e 50 Animal mortuum.

Cadavere inciso, ni sal communis, ni nervi cruralis compressio, contractiones ullas musculo-rum moverunt.

EXP. III.

H. M.

7 8 In cor ranae alterius guttae quatuor aetheris vitriolici injectae fuere.

Motus totius cordis illico ceffavit. Animal libertate fruens, per decem minuta, huc et illuc faltire potuit, dein perquam languidum evafit.

8 3 Mortuum est.

Corpore explorato, fal communis adhibitus, nervus cruralis compressus, nullos motus in musculis voluntariis ciere potuerunt.

Periculum proxime memoratum, modo quo rationem reddere conati fumus, quare aether vitriolicus, in cor cuniculi per venam jugularem injectus, nullos musculos praeter cor ipsum affecit, favorem conciliat. Vidimus, vitam cuniculi intra minutum post cor sublatum, vel actionem ejus quovis modo abolitam, cessasse; vidimus insuper, vim proprietatis istius, cujus ope effectus in quavis corporis parte editus, cum aliis partibus longe remotis, communicatur, etiam extinctam esse, vide Exp. XIV. XV.; idcircco effectum cujuslibet materiae intra partem affectam circumscribi. Rana tamen, post cor exfciffum, vel motum ejus quocunque modo abolitum, ad munera vitalia plurima fungenda, ad motus quoque voluntarios cum vigore peragendos, ad tempus faltem valet. Ergo vis proprietatis istius, antea memoratae, et sympatheticae vulgo dictae, ad tempus quoque superest. Proprietatis istius durationi tribuere sas est, quod aethe
ris sicut opii essectus per universum ranae
pus propagantur: E contra, opium solum c
cuniculi universum affecit, ex eo quod
motum cordis multo serius extinxit, quant
aether.

C

Opium in venam cruralem injectum, nullos fere effectus edens, doctrinam, quae opium fluida mutando agere proponit, penitus evertit; conclusiones nostras sibram muscularem afficere pulchre confirmat. Cum opium fluidis corporis mixtum ad cor delatum est, hoc, pro ratione concentrationis ejus, affecturum esse, liquido constat: Per venam jugularem injectum, cor forsan cum aequa quantitate sanguinis permistum adit; per venam cruralem vero injectum, longe

a corde distans, et per venas magnas cum sanguine tarde sluens, non prius ad cor forsan advenit, quam cum sluidorum corporis sextupla
quantitate permistum suerit. His positis, ut
idem essectus, scillicet mors, sequeretur, quantitatem opii in cruralem venam injicere, illam in
venam jugularem injectam, sextuplo superantem,
necesse foret.

D

In experimentis proximae memoratis observandi copia suit, cor et intestina, causa lethali, organis voluntariis admoto, parum assici, quod quidem aeque evenit, quando animal ex opio cerebro adhibito periit. Quapropter, post opium cordi et intestinis ipsis applicatum, conditionem horum explorare necesse visum est.

EXP. I.

H. M.

- 1 27 Semuncia solutionis opii per anum cuniculi mediae magnitudinis injecta.
- 2 32 Extrema posteriora paralytica.
- o 33 Animal convelli incipit.
- o 34 Animal prostratum—violenter convulfum, caput retractum.
- o 37 Mortuum est.

Thoracis musculis nudatis, nihil contractilitatis, sale adhibito, visum est. In musculis abdominis extremorumque idem obtinuit. Thorace aperto, cor quievit, irritatum nullum motum exhibuit. Abdomine aperto, motus intestinorum peristalticus cessasse visus est. Intestina stimulata sine ullo essectu.

5 Q

EXP.

EXP. II.

H. M.

- ram alius cuniculi ejusdem magnitudinis, in cavitatem thoracis eadem quantitas injecta.
- 2 o Respiratio animalis difficillima et tarda.
- o 3 Animal inebriatum videtur, titubatque.
- o 6 Animal violenter convulsum; capite tamen non ut in proximo experimento retracto, sed inflexo.
- o 10 Animal mortuum est.

Corpore inspecto, nihil contractionis aut in organis voluntariis, aut involuntariis, excitari potuit, etsi iterum iterumque violenter stimulati sunt.

Nonne ex his concludere fas est, nexum illum, quem medici sympathiam vocant, inter organa involuntaria involuntaria et voluntaria, quam inter voluntaria et involuntaria, majorem interesse? Hac sympathiae lege sirmata, res sactae quaedam, postea narrandae, faciles explicatu devenient.

E

Sex guttae solutionis qua doctissimus Monro usus est, semigranum opii continebant, ut scirem an eadem quantitas in ventriculum ranae injecta ei exitio soret.

EXP. I.

H. M.

- 6 12 Corde 58 intra minutum pulsante, decem guttae, quae unum opii granum continebant, in ventriculum injectae sunt.
- o 14 Cor modo 54 pulsabat.
- 17 Cor 52 pulsabat; animal non admodum debile visum est.

Cordis

H. M.

- 22 Cordis contractiones 36. haud superant, et debiles sunt. Animal languidum.
- 8 o Cor 48 pulsabat et majori cum vi.
- o 30 Cor 48 pulsabat. Animal postea in aquam missum, die insequente vixit, et nulla debilitatis signa praeter solitum prae se tulit.

EXP. II.

Sex guttae solutionis potentis, granum et dimidium opii continentes, in ventriculum ranae junioris injectae sunt. Du bus horis praeteritis, animal convulsionibus correptum suit, quae per horas sexdecim duravere. Post horas viginti mortuum est.

EXP. III.

Sex guttis ejusdem solutionis in ventriculum ranae

ranae adultae injectis, animal haud e vita exceffit, etiamfi per horas plures stupore et comate perquam oppressum fuit.

EXP. IV.

Decem guttae spt. vin. rect. in ventriculum ranae adultae injectae sunt. Animal per horas quasdam effectus ejus monstravit; post horas viginti omnino convaluit.

FINIS.